

stan was denn derselb der das also tut den hofslüten daselbs geben soll für jr arbeit vnd kostung So sy gehept hant als sy die egenanten Alp gemacht hant vnd was sich denn dieselben erber lüt die darzu geben werdent, erkennennt vnd sprechen dz derselb, den egedachten hofslüten geben soll dz sol och denn derselb jnen an verziehen richten vnd geben, vnd sol och denn derselb ouch als gute reht an der selben alp haben als an der hofslüt die in den hof ze Rütli gehörent, füro haben wir vns erkent vnd gesprochen Welher sine reht an der egenanten Alp vnder in nit besetzen möcht oder welt, der selb sol denn sine reht derselben Alp niemand anderm lihen denn den egedachten hofslüten, wär aber das sy dehain hofman vnder in bedörffte, So möchte denn derselb sine reht der egenanten Alp ainem andren lihen wem Er denn welte ane geuerde, Wir haben vns och füro ainhellentlich erkent vnd gesprochen das behainer sine reht der egenanten alp versetzen noch verlossen solle noch müge ane des vorgebanten vnßers gnedigen heren dez Apz oder seiner nachkomen gunst wissen vnd willen, füro haben wir vns erkent vnd gesprochen welher den vorgebanten vnßern spruch bräch vnd über für vnd den nit hielt als danor geschriben stat Es wär an ainem stuf oder me, der sol dem vorgebanten vnßim gnedigen heren dem Abt oder sinen nachkomen darumb ze pen veruallen sin ze gebent zehen pfund pfening vnd vns vorgebanten vier schidlüten ain Som wins vnd sol och dz demselben vnßerm gnedigen heren dem Apt vnd sinen nachkomen vnd dem egenanten sin goghus an allen jren rechtungen vnuergriffenlich vnd ane schaden haiffen vnd sin ane geuerde.

Und dez alles ze ainem warem offem vrkund vnd guter rehter gezügnuß nu vnd hienach, So haben wir vorgebanten spruchlüt alle vier Ernstlich erpeten den fromen vesten Junther Eberharten von Ranschwag dz er sin jnjigel für vns offentlich